

Dányál Nabiay Ketáb

Dányál Nabiay Ketáb

© 2022 Wycliffe Bible Translators, Inc.

Gón Báibalay rajánk kanókén thimay komakká

[Creative Commons Attribution-NonCommercial-NoDerivatives 4.0 International License](#)

Dányál Nabiay Ketáb

Dányál Nabiay Ketábay Pajjár

Dányál nabiay ketáb do zobáná, Ebráni o Aramáiá nebeshtah kanag butag. Dányál nabi, Esráili warnáé at. Sál 605 péshmiládá, Bábely bádsháh Nebukadnezará Esráilay sará orosh kort. Bázén dega mardoméay hamráhiá Dányál ham áwár janag o Bábélá barag but. Cha á wahdá o rand Dányálá wati sajjahén omr Bábel o Pársay bádsháháni darbárá gwázént. Dányálá, Bábeli bádsháh Nebukadnezar o Belsházaray dawr ham distag o Mád bádsháh Dáryush o Párs bádsháh Kuroshay zamánag ham distag. É sargwast o elhám ke Dányálay ketábá márn ant, 605 tám 536 péshmiládá butagant o pésha dárant ke é ketáb shashomi karn péshmiládá nebeshtah kanag butag.

Dányálay ketábay haptomi tán dwázzdahomi dar, Yunáni o Rumi mazanwákáni jáh janagay gappá kant. Bázén dega anchén chest o éréay gappá ham yakk o thekká kant ke cha Dányálay paygambariay dawrá báz randterá butagant. Pákén Ketábay namannók hayála kanant ke Hodá démay kárána nazánt o záher kortesha nakant. Paméshká gwashant ke é ketáb báz randterá nebisag butag. Bale pa báwarmandán é gapp tachk ent ke Hodá démay kárána zánt o záher kortesha kant.

Ketábay awali, sayomi o shashomi dar hamé gappay sará ant ke Dányál o áiay sangat anchén jágahéá watá pák o palgára dárant ke sajjahén némagán botparasti ent. Kerr o gwaray mardománi chamm ham sakk ant ke Dányál o áiay sangat radén káré bekantan o gerag bebant. Hodá do randá áyán cha marká rakkénit. Dányálá Bábeli o Párs bádsháháni gwará mazanén ogdah góón butag o angat botparastáni nyámá wati Hodáay sará wati báwari mohr dáshtag.

Ketábay domi o cháromi dará, Dányál do wábay mánáyá gwashit ke bádsháh Nebukadnezará distagant. Ketábay panchomi dará, anágat dasté záhera bit o sháhi diwánjáhay diwálay sará anchén chizzé nebeshtaha kant ke kassi wánta nakant. Dányál, é nebeshtahá ham wánit o máná kant.

Ketábay haptomi tán dwázzdahomi dar hamá elhámáni gappá kant ke Dányál nabiá distagant o áyókén wahday bárawá ant. Cha é kárán bázéné sarjam butag: Dányál, Párs bádsháhiay kapagay péshgóiá kant, Sekandaray áyang o padá áiay kapagay habará kant, Sekandaray bádsháhiay báhr o báng bayagay gappá kant, shomál bezán Suriahay o jonub bezán Mesray bádsháháni habará kant, pa zébáén molk, Esráilá é bádsháháni nyámay hamá jangáni habará ham kant ke randá bant.

Dányál, hamá wádah dátágén Masihay áyagay péshgóiá ham kant, Issá Masihay. Issáay jendá ham ke wati tálim o darsáni tahá halásiy wahday bárawá habar kortag, Dányálay péshgóiáni mesáli dátág. Eshiay máná esh ent ke Dányálay lahtén péshgói donyáy halásiy wahday bárawá ant o angat sarjam nabutagant.

Má Dányál nabiay ketábay tahá gendén ke jahánay chest o ér ensánay dastá naant, Hodáay dastá ant o Hodá é sajjahén chizzán dém pa hamá menzelá barán ent ke áiay wáhag ent o godhsará, Hodá wati bádsháhiá barjama kant. É donyáyá, Hodáay báwarmand modám chó darámadá ant bale angat wati báwaray sará mohr óshtáta kanant o anchén zendé gwázénta kanant ke Hodá cha áyán razá o washnód bebit.

Dányál o sangatáni gechén bayag

1 Yahudáy bádsháh Yehóyákimay dawray sayomi sálá, Bábélay bádsháh Nebukadnezar átk o Urshalimi angerr kort^a. ² Cha Hodáwanday razáyá Yahudáy bádsháh, Yehóyákimi prósh dát. Bádsháhay jend o Hodáay lógay lahtén darpi gón wat Bábélay sardhagárá, ^b wati hodáay lógá áwort o darpi wati hodáay lógay hazánagá ér kortant.

³ Padá bádsháhá wati darbáray kármaster, ^c Ashpenaz hokm dát ke cha Esráili chokkán lahtén anchén byár ke cha bádsháhi nasl o sharapmandé hándánán bebant, ^d anchén warná ke hecch paymén badani aybesh mán mabit o rangá dhawldár bebant, har dhawléni hekmatá balad bayagay láhek, zántkár o zutpahm bebant o bádsháhay bárgáhá óshtagá bekartzant. Padá é warnáyán Bábélay Aramái zobán o labzánkád bwánén. ⁵ Bádsháhá eshání har róchigén warák o sharáb^e cha wati jenday warák o sharábá gechén kort o hokmi dát ke tán say sálá eshán sharr bwánénét o zántkár kanét o padá mani hezmatá bóshtárénét. ⁶ Esháni nyámá cha Yahudáyá áwortagén Dányál, Hanániá, Misháél o Azaryá hawár atant. ⁷ Darbáray kármasterá áyáná nökén nám per kort. Dányálay námi Beltesházar, Hanániáay Shadrak, Misháélay Mishak o Azaryáay Abednegó kort.

⁸ Dányálá erádáh kort ke man watá gón sháhi warák o sharábán palita nakanán. Gorhá áiá gón darbáray kármasterá dazbandi kort ke agan taw razá dayay, man é warákána nawarán o watá palita nakanán. ⁹ Nun Hodáyá kármasteray delá pa Dányálá mehr o hamdardi péda kort, ¹⁰ bale kármasterá angat gón Dányálá gwasht: “Maná cha wati wájahén bádsháhá torsi. Áiá wat pa shomá warák o sharáb gechén kortag. Agan á begendit ke shomá cha wati é dega hamsarókén warnáyán nezórter ét, gorhá? É paymá, shomá bádsháhay dastá mani sará borráénét.” ¹¹ Kármaster Ashpenázá pa Dányál, Hanániá, Misháél o Azaryáyá yakk apsaré dáshtagat. Dányálá gón hamé apsará gwasht: ¹² “Mehrabáni bekan o måráf tán dah róchá bechakkás o bechár, bell ke mårá pa waragá tahná sabzi o pa nóshágá tahná áp dayag bebit. ¹³ Padá mårá gón hamá warnáyán dém pa dém bekan o bechár ke sháhi warákán waragá ant. Agan má nezórter butén, randá gón má hamá paymá bekan ke tai dela gwashit.” ¹⁴ Gorhá apsará áyáni habar mannet o tán dah róchá á chakkásetant.

¹⁵ Dahén rócháni halásiá distesh ke á, cha é dega warnáyán jándráhter o pazzórter ant ke sháhi warákesh wártagat. ¹⁶ Gorhá apsará sháhi warák o sharáb, cha áyáni waráká dar kortant o áyáná sabzia dát. ¹⁷ É chárén warná, Hodáyá labzánk o hekmatay har paymén zánt o honar dayán kortant. Dányál har warhén elhám o shobén o wábáni mánáyá ham balat at.

¹⁸ Gorhá bádsháh Nebukadnezaray gisshéntagén sayén sál ke sarjam butant, darbáray kármasterá é sajjahén warná áwort o bádsháhay bárgáhá pésh kortant. ¹⁹ Wahdé bádsháhá gón áyán gapp o trán kort, disti ke dega kas Dányál, Hanániá, Misháél o Azaryáay paymá naent. Gorhá é chárén bádsháhay jenday hezmatá dárag butant. ²⁰ Bádsháhá harché ke jost kortant, disti ke é mardom har paymén hekmat o sarpadiá cha molkay sajjahén jáduger o sáherán dah sari^f sharter ant. ²¹ Dányál, tán Kurosh bádsháhay dawray awali sálá hamódá mant.

Bádsháhay wáb

2 Nebukadnezará wati bádsháhi dawray domi sálá wáb dist. Áiay arwáh bétáhir^g but o á wába nakapt. ² Gorhá bádsháhá jáduger, sáher, jennband o nojumiáni lótháénagay hokm dát ke áiay wábán máná bekanant. Á, átk o bádsháhay démá óshtáttant. ³ Bádsháhá gón áyán gwasht: “Man wábé distag o mani arwáh pa é wábay mánáyá zánagá bétáhir ent.” ⁴ Gorhá nojumián gón

^a 1:1 Angerr kanag, bezán chapp o chágerdá gerag, Pársiay moháserah. ^b 1:2 Asligén nebeshtánka gwashit Shenáray sardhagárá. Shenár, Bábélay domi nám ent. ^c 1:3 Asligén nebeshtánka gwashit: Gwahtagénáni kármaster, Hayál hamesh ent ke bádsháhay kár kanók gwahtag kanag butagant. ^d 1:4 Labzánk, bezán adabyát. ^e 1:5 Pákén Ketábay tahá har jágha ke sharábay labz átkag, eshiay máná cha angurá jórh butagén sharáb ent ke Englériá “wine” gwashaga bit.

^f 1:12 Asligén Ebráni syáhaga gwashit: Wati nawkarán. Band sézdahá ham anchosh ent. ^g 1:20 Dah sari, bezán dah barábar, dah randá, dah haminchok. ^{2:1} Bétáhir, bezán náráram, békárár.

o si o panch róchá rasit. ¹³ Bale taw wati ráhá beraw tán halásiay wahd byayt. Taw áráma kanay o padá, halásiay wahdá pa wati ásar o ákebatá jáha janay.”

Gorunákén bádsháh

³⁶ “Padá bádsháh wati delay tabá kára kant o watá cha sajjahén hodáyán borzter o pormarhátera gendit o hodáyáni Hodáay helápá anchén habara kant ke mardom hayrána bant. Tán hamá wahdá kámyába mánit ke gazabay wahd sarjam nabutag. Hamá chizz ke bayagi ant, allama bant.³⁷ Á, pa wati petáni hodáyán hecc parwáha nadárit o janénáni wáhagay parwáhá ham nakant. Pa é dega hodáyán ham parwáha nadárit, chéá ke á, watá cha é sajjahénan borztera kant.³⁸ Esháni badalá kalátáni hodáyá ezzata dant, anchén hodáé ke áiyet pet o pirokán hechbar nazántag. Á, eshiá gón teláh, nograh o gránbaháén seng o kimmatién chizzán sharapa dant.³⁹ Darámadén hodáyéay komakká mohr o mohkamén kalát fi eáni sará orosha kant. Hamá ke áiá mannant, áyán mazanén sharapa dant o bázén mardoméay sará hokmránesh jórha kant o zeminá áyáni nyámá pa théki bahra kant.

⁴⁰ “Padá halásiy wahdá, jonubay bádsháh áiyet sará orosha kant o shomálay bádsháh jonubay bádsháhay sará tuppánéay dhawlá gón arrábah,^a asptách o bázén lánciéá mána rechit. Bázén molkéay sará orosha kant o cha ódá chó tuppánéay gwazit.⁴¹ Á, zébáén molkay sará ham orosha kant o bázén molké prósha wárt bale Edum, Muáb o Ammunay masterén mardom cha áiyet dastá rakkant.⁴² Padá á wati dastá pa é dega molkáni geragá drája kant o Mesr ham narakkit.⁴³ Mesray sohr o nographay hazánag o sajjahén gránbaháén chizzán wati dastay chérá kárit. Libíái o Kushi^b áiyet pádáni chérá bant.⁴⁴ Bale cha ródarátk o shomálá áyókán hál, áiá torsént, sakk hezhma gipt o pa bázénéay barbád o gár kanagá dara kayt.⁴⁵ Á wati bádsháhi tambuán^c daryáyáni darnyámá, zébáén pákén kóhay lambá jant o é paymá wati goddhí ásará sara bit o kass pa áiyet komakká nayayt.

Halásiy wahd

12 “Á wahdá Mikáil, hamá mazanén shahzádag ke tai mardománi negahpáni kant, jáha jant. Anchén paréshániyah wahdé bit ke kawmáni bongéjá beger tán á zamánagá hechbar nabutag. Bale á wahdá tai hamá sajjahén mardom ke áyáni nám ketábá nebeshtah ent, rakkénaga bant o² bázéné ke zeminay hákáni tahá wáb ent, jáha jant, lahtén pa abadmánén zendá o lahtén pa pashali o abadmánén kamsharapiá.³ Hamá ke dáná ant, chó ásmánay kobbahay^d rozhnái drapsht o hamá ke bázénéa pahrézkáriay némagá kárant, abad tán abad chó estárán rozhná bant.

⁴ “Bale taw, oo Dányál, é habarán rázé bedár o ketábá tán halásiy wahday áyágá mohr bejan. Bázéné edá o ódá rawt o zánag cha géshtera bit.”⁵ Padá mane Dányálá cháret o dist ke dega do kas ant, yakké kawray é dastá óshtátag o domi kawray á dastá.⁶ Yakkéá gón hamé lilompóshén mardá ke kawray ápay sarborá at, gwasht: “É ajabbatén kár chincho kára wáhagay sarjama bant?”

⁷ Gorhá man hamá lilompóshén marday tawár eshkot ke kawray ápay sarborá at. Áiá wati rástén o chappén dast ásmánay némagá chest kortant o hamáiay sawgendi wárt ke tán abad zendag ent. Gwashti: “Wahdá, wahdán o némi wahdá^e o rand sarjama bit, hamá wahdá ke Hodáay pákén mardománi zór o wáka proshit. Nun é sajjahén chizz purah o sarjama bant.”

⁸ Man eshkot bale sarpad nabután, gorhá gwashton: “Oo mani wájah! É sajjahén chizzáni ásar ché bit?”⁹ Áiá passaw dát: “Wati ráhá beraw, Dányál! Chéá ke é habar tán halásiy wahdá ráz ant o mohr janag butagant.¹⁰ Bázéné watá sáp o bépólenga^f kant o palgáraga bit, bale á ke badkár ant wati badkáriá démá barant. Hech badkár sarpada nabit bale dáná sarpada bant.¹¹ Cha hamá wahdá ke har róchigén korbánig band kanag o ‘palit o bérán kanókén bazzhnák’ mekk kanaga bit, yakk hazár o do sad o nawad rócha bit.¹² Bahtáwar hamá ent ke wadára kant o tán yakk hazár o say sad

^a 11:40 Arrábah, bezán mazanén mansabdáráni hamá gárdi ke aspia kasshant.

^b 11:43 Kush: á zamánagay Kush maróchigén Sudán ent.

^c 11:45 Tambu, bezán gedán, haymah.

^d 12:3 Kobbah, bezán borzén gombodpaymén gerdi.

^e 12:7 Pákén Ketábay bázén zántkáréay gománá eshiáy máná say o némi sál ent.

^f 12:10 Bépóleng, bezán sáp o sollah, palgár.

bádsháhá Aramái zobáná^a gwasht: “Oo bádsháh! Modám zendag bátay. Márá^b wábá begwash. Má pa taw mánáia kanén.”⁵ Bádsháhá gón nojumián gwasht: “Mani gapp yakké. Agan shomá mani wábá magwashét o máná makanét, shomá thokkor thokkor kanaga bét o shomay lóg tabáh kanag o hákóth^c jórha kanaga bant.⁶ Bale agan shomá wábá begwashét o máná bekánét, shomára cha mani némagá théki o tohpah, mozz o mazanén sharap o ezzaté rasit. Paméshká maná mani wáb o wábay mánayá begwashét.”

⁷ Áyán yakk randé padá gwasht: “Ji bádsháh! Márá wábá begwash, má mánáia kanén.”⁸ Bádsháhá gwasht: “Man saddak án ke shomá pa wahdzawálá é habarán kanagá ét. Shomá gendagá ét ke mani hokm yakk o thekk ent⁹ ke agan shomá maná wábá magwashét, pa shomá sezá yakkén ent. Shomá watmánwatá shawr kortag ke mani démá chapp o chóthén habar bekánét o drág bebandét tán hamá wahdá ke wahd o jáwar badal bebant. Paméshká shomá wat maná wábá begwashét, gorhá nun mana zánán ke shomá mánái ham korta kanét.”

¹⁰ Nojumián, bádsháhay passawá gwasht: “Oo bádsháh! Donyáyá hecc choshén mardomé nést ke é kárá kort bekant. Hech bádsháhá, harchont ke mazan o zóráwar bebit, hechbar cha hecc jáduger, sáher o nojumiá choshén parmáshé nakortag.¹¹ É kárá ke tawe bádsháh lóthagá ay, sakk grán ent. Cha hodáyán abéd, é habará kass bádsháhá gwashta nakant, o hodá wa ensánáni nyámá naneshagant.”

Bádsháhay hokm

¹² Gón é habaráni eshkonagá bádsháh cha zahrá sakk hezhm gept o hokmi dát ke Bábélay sajjahén dánáén mardom gár o gomsár kanag bebant.¹³ Gorhá parmáné dayag but ke dáná koshag bebant. Dányál o áiyet sangatáni shoházá ham dar kaptant ke bekoshantesh.¹⁴ Nun Dányálá gón jalládáni sarmaster, Áryuká ke Bábélay dánáyáni koshagá dar kaptagat, pa hekmat o dánái habar kort.¹⁵ Dányálá cha bádsháhay dáshtagén sarmaster, Áryuká just kort: “Bádsháhá chéá choshén trondén parmáné dáttag?” Áryuká, Dányál hál dát ke ché butag.¹⁶ Nun Dányál shot o gón bádsháhá dazbandii kort ke maná kammé wahd beday, man tawe bádsháhay wábá gwashán o máná kanán.

¹⁷ Dányál, lögá shot o wati sangat, Hanániá, Misháél o Azaryái hál dátant.¹⁸ Gwashti: “Cha ásmáni Hodáyá rahm belothét o dwá kanét ke é ráz pa má pàddar bebit tánke máshomá o Bábélay é dega dáná koshag mabén.”

Wábay máná

¹⁹ Gorhá hamá shapá é ráz pa Dányálá, shobéná paddar kanag but. Nun Dányálá ásmáni Hodáy satá kort.²⁰ Gwashti:

“Hodáy námá abad tán abad satá o saná bát,
chéá ke hekmat o zór hamáiay ant.

²¹ Hamá ent ke wahd o mósomán badala kant,
hamá ent ke bádsháhán dura kant yá tahtá nádénit,

²² hamá ent ke chér o andémén rázán paddara kant,

hamá ent ke zánt taháriá ché hast o
rozhnái hamáiay hamráh ent.

²³ Oo mani pet o pirokáni Hodá!
Man tai shográ gerán o tai tawsipá kanán,
chéá ke taw maná zór o hekmat dáttag.

^a 2:4 É ketábay 2:4 tán 7:28á, Aramái zobáná nebisag butag ke á wahdi Bábélay sarkári zobán at.^b 2:4 Asligén syáhaga gwasht: Wati nawkarán. Band haptá ham anchosh ent.^c 2:5 Hákóth, bezán hákay kót, hamá jomp ke ódá lögáni hák, por o é dega kechrá o áshkálán dawra dayant.

Annun ham é taw ay ke pa man hamá chizzet záher kortag
ke má cha taw lóthetag,
chéá ke taw nun bádsháhay jérhah pa má paddar kortag.”

²⁴ Randá Dányál, Áryukay kerrá shot, hamáiy kerrá ke bádsháhay Bábelay dánáyáni koshagay hokm dáttagat. Gón áiá gwashti: “Bábelay dánáyán makosh. Maná bádsháhay kerrá bar. Man áiay wábá máná kanán.” ²⁵ Gorhá Áryuká zutt zuttá Dányál, bádsháhay kerrá bort o gwashti: “Man cha Yahudáay darándhéhán mardé dar gétkag ke tawe bádsháhay wábá máná korta kant.” ²⁶ Bádsháhay gón Dányálá ke domi námi Beltesházar at, gwasht: “Taw mani distagén wábá o áiay mánáyá maná gwashta kanay?” ²⁷ Dányálá gón bádsháhay gwasht: “Hamá rázá ke tawe bádsháhay áiay jostá ay, hecc dáná, sáher, jáduger o estárzánté pa taw paddar korta nakant, ²⁸ bale ásmáná Hodáé hast ke rázán paddara kant o hamáiá pa tawe bádsháhay Nebukadnezárá záher kortag ke áyókén róchán ché bit. É tai wáb ent o hamá shobén ant ke wahdé taw wati nepáday sará tachk atay, tai saray tahá chakarrágat atant.

²⁹ “Oo bádsháh! Nepáday sará tai hayál áyókén wahday némagá shotant ke bárén ché bayagi ent. Hamá ke rázán paddara kant, tará pésyi dásht ke áyókén wahdá ché bit. ³⁰ Bale é ráz pa man é sawabá paddar kanag nabutag ke man cha é dega mardomán dánáter án. Paméshká paddar kanag butag, ke man tai wábá pa tawe bádsháhay máná bekanán tánke taw wati delay hayálán sarpad bebay. ³¹ Oo bádsháh! Taw cháragá atay o baláhén boté distet. É mazanén o sakkén drapshnákén boté at ke tai démá mekk at o gendagá torsnák at. ³² É botay sar, cha pahkén teláh addh butagat. Delband o báski cha nograhá, láp o ráni brenjayg atant, ³³ dhilleng^a ásen, pádáni ném ásen o ném patkagén gelayg atant. ³⁴ Taw angat cháragá atay o sengé sendag but, mardomi dastéá nasest. Seng átk o botay ásen o gelén pádán lagget o próshantti. ³⁵ Padá ásen, patkagén gel, brenj, nograh o teláh, sarjamá yakjáh hurt butant, anchosh ke garmágán johánay pog o palár hurta bant, o gwátá ropt o bortant tán áyáni hecc nesháné pasht nakapt. Bale hamá seng ke botá lagget, baláhén kóhé jór but o sajjahén zemini gept.

³⁶ “Wáb esh at. Nun má eshiá tawe bádsháhay démá máná kanén. ³⁷ Oo bádsháh! Taw bádsháháni bádsháh ay. Hamá ay ke ásmáni Hodáyá tará bádsháhi, kodrat, zór o wák o shán o shawkat dáttag o ³⁸ har jágah ke ensán, jangali jánwár o báli morg zendag ant, Hodáyá tará é sajjahénáni sará hokmrán kortag. Teláhén sar, taw ay.

³⁹ “Cha tará pad, dega bádsháhié kayt ke cha taigá kamzórtera bit. Padá sayomi, brenjén bádsháhié kayt ke sajjahén zeminay sará hokmránia kant. ⁴⁰ Padá cháromi bádsháhié kayt ke chó ásená mohr o mohkama bit, chéá ke ásen sajjahén chizzána próshít o sheng o shángá kant. Anchosh ke ásen sajjahén chizzána próshít, é bádsháhi ham, é sajjahén molkána próshít o thokkor thokkora kant. ⁴¹ É pád o pádáni lankok ke néma patkagén gel o néma ásenay atant o taw distant, é bahr o bágén bádsháhié bit, bale eshiay tahá ásenay mohri mána bit, chéá ke taw ásen gón patkagén gelá hawár dist. ⁴² Chosh ke pádáni lankok, néma ásen o néma patkagén gelayg atant, é bádsháhiay bahré mohkam o bahré nezóra bit. ⁴³ Hamá dhawlá ke taw ásen gón patkagén gelá hawár dist, kawm o nasl hawár wa bant bale gón yakdomiá nalecchant, anchosh ke ásen gón gelá nalecchit.

⁴⁴ “Á bádsháháni wahdá, ásmáni Hodá dega bádsháhié addha kant ke hechbar tabáhá nabit o dega kawméay dastá ham dayaga nabit. É bádsháhi, á dega sajjahén bádsháhána próshít o halásá kant, bale wat tán abad barjama mánit. ⁴⁵ Anchosh ke taw dist, seng cha kóhéá sendag but, mardomi dastéá nasest, o ásen, brenj, gel, nograh o teláh hurt kortant. Oo bádsháh! Mazanén Hodáyá pa taw paddar kortag ke démterá ché bit. Paméshká wáb rást ent o eshiay máná ham pakká ent.”

⁴⁶ Bádsháh Nebukadnezar dém pa chér kapt o Dányálí sojdah kort o hokmi dát ke Dányálay démá hayráté bekanét o sóchoki chérsch bekanét. ⁴⁷ Bádsháhá gón Dányálá gwasht: “Béshak tai Hodá, hodáyáni Hodá ent o bádsháháni Hodáwand ent o rázáni paddar kanók, chéá ke taw é ráz paddar kort kortag.” ⁴⁸ Padá bádsháhá Dányál masterén ogdahé^b o bázén tohpah o thékié dát, Bábelay

^a 2:33 Dhilleng, páday kóndhá beger tán mocchá. ^b 2:48 Ogdah, bezán mansab, ohdah, zemmawári, ehtiár.

¹⁴ “Á zamánagá, bázéné jonubay bádsháhay dozhmeniá páda kayt. Tai jenday kawmay sheddatié mardom é shobénay purah o sarjam kanagá páda káyant bale prósha warant. ¹⁵ Padá shomálay bádsháha kayt, kalátbandén shahréay chapp o chágérdá sangara bandit o shahrá gipt. Jonubi pawj bélwasa bit. Tantaná áyáni sharterén pawj ham esháni démá óshtáta nakanant. ¹⁶ Shomálay bádsháh orosha kant o hamá paymá kant ke wati delia lóthit. Kass áiay démá óshtáta nakan. Á zébáén molká óshtit o cha áiay dastá tabáhia bit. ¹⁷ Nun á erádaha kant ke gón wati sajjahén bádsháháy zórá byayt o gón jonubay bádsháh ahd o karár bebandit. Wati jenekké ham gón áiá árósa dant ke jonubay bádsháhá bepróshit bale áiay é hayál sóbena nabit o é kár démá narawt. ¹⁸ Nun shomálay bádsháh wati delgoshá gón tayábdapána^a kant o bázén zeminé gipt. Bale sáláré áiay gorunáki o béparwáhiá halásá kant o áiay gorunáki pa áiay jendá pera tarrénit. ¹⁹ Gorhá á, démá gón wati jenday molkay kalátána kant bale lakoshit o kapit o padá hecc jágah gendaga nabit. ²⁰ Padá áiay jágahá dega yakké kayt o song o málátgiré rawána dant tánke wati molkay shán o shawkatá barjam bedárit, bale lahtén róchá rand é bádsháh, bé jang o sheddatéa, wat barbáda bit.

Bazzhnákén bádsháh

²¹ “Eshiay jágahá anchén bazzhnákén mardomé kayt ke áiá hecc paymén bádsháhi sharap dayag nabutagat. É pa áramia kayt o pa repk o pandalé bádsháhiá gipt. ²² Eshiay démá baláhén pawjé rópag o prósh dayaga bit o gón é pawjá yakjáh ahd o karáray shahzádagé ham tabáha bit. ²³ Cha hamá wahdá ke gón eshiá ahd o karáre bandaga bit, é chérokái wati paymá kára kant. Mardomi báza nabant, bale báládasta bit. ²⁴ Pa árami molkay sérterén bahrána poterit o anchén kára kant ke eshiay hapt poshtá nakortag. É wati hamráháni nyámá poletagén mál o áwár o dawlat bahra kant. Tán kasánén wahdápa kalátáni geragá pandala sázit. ²⁵ Mazanén o sakkén porzórén pawjé zurit o pa jonubay bádsháhay prósh dayagá wati zór o tawkalá shorénit. Jonubay bádsháh ham baláhén o porzórén pawjé zurit o janga kant bale óshtáta nakan ke áiay helápá pandal sázaga bant. ²⁶ Hamá ke cha bádsháhá lápa gerant o warant, hamá áiay barbád kanagay johdá kanant. Áiay pawj prósha wárt o jangá bázéné koshaga bit. ²⁷ Doén bádsháh, pa badniyati yakkén parzónaga^b nendant o gón yakdomiá dróga bandant bale kámyába nabant chéá ke halási, gisshetagén wahdá kayt. ²⁸ Shomálay bádsháh gón mazanén mál o dawlatéa wati molká pera tarrit bale deli pákén ahd o karáray helápá bit. É wati kára kant o molká wátarra bit.

²⁹ “Gisshetagén wahdá, padá dém pa jonubá dara kapit, bale é goddhi randá péshigén warhá nabit, ³⁰ chéá ke Kittimay^c lánch áiay dozhmeniá káyant. Paméshká á delprósha bit o wátarra kant o pákén ahd o karáray dozhmeniá hezhma gipt. Pera tarrit o pa hamáyán mehrabána bit ke pákén ahd o karárá namannant. ³¹ Áiay pawj jáha jant, mazanén parasteshgáhá, hamá mohrén kalátá palita kant, har róchigén korbánigán banda kant o ‘palit o bérán kanókén bazzhnáká’^d hamódá éra kant. ³² Pa cháplusi hamá mardomán sell o palita kant ke ahd o karáray helápá káresh kortag, bale hamá mardom ke wati Hodáyá sharriá pajjáha kárant, áiay démá mohra óshtant. ³³ Hamá ke dáná ant, bázénéá sar o sója dayant, bell toré pa kasánén moddatéa é mardom gón zahmá koshaga bant, pa ás sóchaga bant, bandig o loth o pol kanaga bant. ³⁴ Wahdé kapant, kammén komakesha rasit o bázéné pa badniyati áyáni hamráha bit. ³⁵ Cha dánáyán ham lahténa lakoshit tánke é dhawlá é mardom tán halásiy wahdá pák o palgár o béayb kanag bebant chéá ke é wahd, wati gisshetagén zamánagá kayt.

^a 11:18 Tayábdap, bezán daryáy nazzikk o gwarén jágah, zerkerr, sáhel.

^b 11:27 Parzónag, bezán sopräh.

^c 11:30 Kittim, jágahéay nám ent ke Kebresay jazirahá shahré at. Edá pa Rumián eshárahé.

^d 11:31 “Palit o bérán kanókén bazzhnák” yakk chizzé ke nabáyad ent mazanén parasteshgáhá byayt. Dányál nabiay pésghói hamá wahdá sarjam but ke 167 Péshmiládá Suriahay hákemá mazanén parasteshgáhay tahá bot jágah dát o hukki korbánig kort.

átkagán.¹³ Bale Pársay bádsháhiay shahzádagá tán bist o yakk róchá mani dém dásht. Bale randá Mikálil ke cha masterén préshtagán^a yakké, mani komakká átk chéá ke man ódá Pársay bádsháháni kerrá gatthagatán.¹⁴ Nun man tai sarpad kanagá átkagán ke gón tai kawmá démterá ché bit, chéá ke shobén áyókén wahday bárawá ent.

¹⁵ Wahdé á gón man é habarán kanagá at, man wati sar jahl kort o hecc gwasht nakort.¹⁶ Purah ensánay dhawlénéá mani lonth dast per kortant. Gorhá man wati dap pach kort o gón hamáiá ke mani démá óshtátagat, habar kanagá laggetán. Gwashton: “Oo mani wájah! É shobéná maná sakk padard kortag o hecc zór o wákon nést.¹⁷ Man, tai hezmatkár, chón gón taw habar korta kanán, mani wájah? Mani wák o twán shotag o pa zóré dam kasshágá án.”

¹⁸ Hamá ke ensánéay dhawlá at, maná padá dasti jat o zórmundi kort.¹⁹ Gwashti: “Mators, sharapmandén mard! Émen bátay. Dhaddh bay. Mohkam bay.” Anchó ke á gón man habar kanagá at, man dhadhter bután o gwasht: “Mani wájah! Gón man habar kan, chéá ke taw maná zór bakshátag.”²⁰ Gorhá gwashti: “Taw zánay man chéá tai kerrá átkagán? Man zutt pera tarrán ke gón Pársay shahzádagá jang bekanán o wahdé mana rawán, Yunánay shahzádagá kayt.²¹ Bale awalá tará gwashán ke rástiy ketábá ché nebeshtah ent. Shomay shahzádag Mikáilá abéd, dega kass nést ke esháni démá maná zórmund bekant.

11 “Máden Dáryushay dawray awali sálá man pa Mikáilay zórmund kanag o negahpániá áiay kerrá óshtátán.”

Jonubi o shomáli bádsháháni jang

² “Nun man tará rástén habará gwashán. Bechár, Pársá dega say bádsháh páda kayt, padá cháromi bádsháhé kayt ke cha é dega sajjahénán géshter máldár o hastómanda bit. Anchó ke á wati mál o hastiay sawabá zórmunda bit, á, sajjahén mardomán pa Yunánay bádsháhiay dozhmeniá páda kant.

³ “Randá zórmandén bádsháhé chesta bit. Á, gón mazanén zór o wáké hokmránia kant o harché ke delia lóthit, kant.⁴ Bale pád áyagá rand, áiay bádsháhi próshag o dém pa ásmánay chárén gwátán bahr kanaga bit, bale na áiay nasl o padréchá rasit o na á pésari zóri mána bit ke áiay wati jendá butag. Áiay bádsháhi cha boná gwajag o degárán dayaga bit.

⁵ “Padá jonubay bádsháh^b zórmunda bit, bale áiay yakk sáláré cha áiay jendá ham zórmandtera bit o gón mazanén wákéá shomálá molké addha kant o wati molká hokmránia kant.⁶ Lahtén sálá pad, ahd o karáre bandant. Jonubay bádsháhay jenekk shomálay bádsháhay^c kerrá pa ahd o karár bandagá rawt. Bale jenekkay zór o kodrat pashta nakapit o shomálay bádsháhay zór ham namánit. Á róchán, bádsháhay jenekk gón wati hamráhán, wati petá o komakkárá hawár dróhag o dozhmeniá dastá dayaga bit.

⁷ “Cha jenekkay hándáná kasé páda kayt o jonubay bádsháhay jágahá gipt. Á, shomálay bádsháhay pawjay sará orosha kant o áiay kalátá poterit. Áyáni helápá janga kant o sóbena bit.⁸ Á, esháni botén Hodá, cha ásá dar áwortagén bot o teláh o nograhay gránbaháén darpán áwára jant o gón wat Mesrá bárt. Démterá pa lahtén sálá á, shomálay bádsháhay kárá kára nadárit.⁹ Nun shomálay bádsháh jonubay bádsháhay molkay sará orosha kant bale padá wati molká wátarra bit.¹⁰ Áiay bachakkén chokk jangay chen o láncá kanant o baláhén pawjé yakjáha kanant, é pawj démá kenzána kant ke chó tuppánén háréá sara rechit o jangá tán dozhmenay kalátá démá bárt.

¹¹ “Jonubay bádsháh hezhma gipt, shomálay bádsháhay démá dara kayt o gón áiá janga kant. Nun shomálay bádsháh baláhén pawjé yakjáha kant, bale é pawj, jonubay bádsháhay dastá prósha wárt.

¹² Cha é pawjey prósh dayagá rand, jonubay bádsháh gorunáka bit o hazárán mardoma koshit bale angat báládasta nabit,¹³ chéá ke shomálay bádsháh nun cha pésará masterén pawjé yakjáha kant o lahtén sálá pad, gón wati masterén pawj o bázén jangi sámánán wátarra kant.

^a 10:13 Asligén Ebráni nebeshtánka gwashit: shahzádag. ^b 11:5 Jonubay bádsháh Mesray bádsháh ent. ^c 11:6 Shomálay bádsháh Suriahay bádsháh ent.

damagay hokmránii sarjamá hamáiay dastá dát o Bábelay sajjahén dánáyáni sarmasteri kort.¹⁴ Nun Dányálá gón bádsháhá dazbandi kort o bádsháhá Shadrak, Mishak o Abednegó Bábelay damagay káráni master kortant. Dányál wat bádsháhay darbárá nesht.

Botáni sojdah o Hodáay zór

3 Bádsháh Nebukadnezará si gazz borz o say gazz práhén teláhén boté addh kanáént o Bábelay damagá, Durahay dashtá mekk kanáént. ² Áiá wáli, hákem, sardár, saláhkár,^a hazánagay kelitdár, kázi, monsep o damagay é dega sajjahén mansabdár lóthetant ke byáét o é botay démdaráiay^b rasmán bahr bezuréat ke bádsháh Nebukadnezará mekk kanáéntag. ³ Nun wáli, hákem, sardár, saláhkár, hazánagay kelitdár, kázi, monsep o damagay é dega sajjahén mansabdár ke bádsháh Nebukadnezará wati mekk kanáéntagén botay démdaráiay rasmáni tahá bahr zuragá lótháéntagatant, átk o mocch butant o Nebukadnezaray mekk kanáéntagén botay démá óshtáttant.

⁴ Gorhá jár janóká gón borzén áwázéá jár jat: “Oo kawm o ráján o har zobánay mardomán! É pa shomá hokmé:⁵ Hamá damáná ke shomá karná^c, nal, chang^d, soróz, tamburag, dhol o é dega sajjahén sáz o zémeláni tawárá eshkonét, allam bádsháh Nebukadnezaray mekk kanáéntagén teláhén botay démá bekapét o sojdahi bekanét.⁶ Harkas ke dém pa chéra nakapit o sojdaha nakant, hamá damáná rókén kurahá dawr dayaga bit.”⁷ Paméshká hamá damáná ke áyán karná, nal, chang, soróz, tamburag o é dega sajjahén sáz o zémeláni tawár eshket, har kawm o ráj o har zobánay mardom, bádsháh Nebukadnezaray mekk kanáéntagén teláhén botay démá kaptant o sojdahesh kort.⁸ Hamá wahdá, lahtén Bábeli mardom démá átk o Yahudiáni shekáyatesh kort.

⁹ Áyán gón bádsháh Nebukadnezará gwashit: “O bádsháh! Modám zendag bátay.¹⁰ Tawe bádsháhá hokm dáttag: ‘Hamá damáná ke sajjahén mardom karná, nal, chang, soróz, tamburag, dhol o é dega sajjahén sáz o zémeláni tawárá eshkonant, teláhén botay démá bekapant o sojdah bekanant o 11 harkas ke dém pa chéra nakapit o sojdaha nakant, rókén kurahay tahá dawr dayaga bit.’¹² Bale oo bádsháh! Lahtén Yahudi hast: Shadrak, Mishak o Abednegó, hamá ke taw Bábelay damagay sarkári káráni ogdah dáttagant, áyán tai hokm namannettag. É mardom na tai hodáyáni hezmatá kanant o na tai mekk kanáéntagén teláhén botá sojdaha kanant.”

¹³ Nun Nebukadnezar sak hezhm gept o hokmi dát ke Shadrak, Mishak o Abednegóá byárét. Gorhá é mardom bádsháhay démá árag butant.¹⁴ Nebukadnezará gón áyán gwasht: “Oo Shadrak, Mishak o Abednegó! É rást ent ke shomá mani hodáyáni hezmatá nakanét o mani mekk kanáéntagén teláhén bot sojdah nakortag?¹⁵ É randá, agan shomá karná, nal, chang, soróz, tamburag, dhol o é dega sajjahén sáz o zémeláni tawár eshket o mani addh kortagén botay démá kapag o sojdah kanagá tayár ét wa sharr, bale agan shomá sojdah nakort gorphá hamá damáná rókén kurahay tahá dawr dayaga bét. Á wahdá bárén kojám hodá shomárá cha mani dastá rakkéinit?”

¹⁶ Shadrak, Mishak o Abednegóá bádsháhay passawá gwashit: “Oo bádsháh Nebukadnezar! Márá é bárawá hecc passaw dayagay zalurat naent.¹⁷ Agan má ásá dawr dayag bebén, hamá Hodá ke má áiay hezmatá kanén, márá cha rókén kurahay ásá rakkénta kant o hamá márá cha tawe bádsháhay dastá ham rakkéinit.¹⁸ Bale oo bádsháh! Agan chosh mabit ham, taw báyad ent bezánay ke tai hodáyáni hezmatá nakanén o tai mekk kanáéntagén teláhén botá sojdaha nakanén.”

¹⁹ Gorhá Nebukadnezar, Shadrak, Mishak o Abednegóá sará sakk hezhm gept. Áiay démay rang cha zahrá bar gasht o hokmi dát ke kurahay ásá hapt sari^e gésh kanét.²⁰ Wati pawjey lahtén zórmandén sepáhigi hokm dát ke Shadrak, Mishak o Abednegóá bebandét o rókén kurahá dawr dayét.²¹ Nun é mardom gón gwaray kabáh, shalwár, págo é dega sajjahén póshekán bandag but o rókén kurahá dawr dayag butant.²² Bádsháhay hokm haminchok trond at o kurah haminkas jambur ke ásáy bráznán hamá mardom koshtant ke áyán Shadrak, Mishak o Abednegó borzád bortagatant

^a 3:2 Saláhkár, bezán saláh dayók, moshir, mosláwer. ^b 3:2 Démdarái, bezán yakk chizzéay awali randá dará kanag, Pársiá eftetáhiah, eftetáh. ^c 3:5 Karná sornáy dhawlén sázé. ^d 3:5 Chang, Esráliáni kerrá simmi sázé. ^e 3:19 Hapt sari, bezán hapt barábar, hapt randá, hapt haminchok.

ke kurahá dawresh bedayant.²³ É sayén mohr bastagén mard Shadrak, Mishak o Abednegó rókén kurahá kaptant.

²⁴ Anágat, bádsháh Nebukadnezárpa hayráni sett kort o cha wati saláhkárán josti kort: "Má say mardom nabast o ásá dawr nadát?" Áyán passaw dát: "Bale, oo bádsháh!"²⁵ Áiá darráént: "Bechárét, man ásay tahá chár mardom gardagá gendagá án. Dast o pádesh pach ant o salámat ant. Cháromi purah Hodái chokké."²⁶ Nebukadnezár rókén kurahay darwázagay nazzikká shot o kukkári kort: "Oo Shadrak! Oo Mishak! Oo Abednegó! Oo borzén arshay Hodáyá hezmatkárán! Byáét dhanná, edá byáét." Gorhá Shadrak, Mishak o Abednegó cha ásá dar átkant.²⁷ Wálí, hákem, sardár o bádsháhay saláhkár mocch butant o distesh ke ásá é mardománi badan inchoká ham nageptagat, na áyáni saray mudé pilloshtagat o na áyáni godáni rang badal butagat. Ásay bóá ham kanagá naatant.²⁸ Nebukadnezár gwasht: "Shadrak, Mishak o Abednegóay Hodáyá satá o saná bát ke áiá wati préshtagé dém dátág o wati hezmatkár rakkéntagant. Eshán wati Hodáyá sará báwar o bésah^a at o mani hokmesh namannet. Cha wati zendá sar gwastant, bale wati jenday Hodáyá abéd, dega hodáy hezmat o sojdáh razá nabutant.²⁹ Paméshká man hokma dayán ke harkas bebit, cha har kawm, ráj o zobáná ke Shadrak, Mishak o Abednegóay Hodáyá bárawá harábén habaré bekant, á thokkor thokkor kanaga bit o áiay lóg barbád kanag o hákóthé jórh kanaga bit. Chéá ke dega hecc hódáé nést ke chosh rakként bekant."³⁰ Padá bádsháhá Shadrak, Mishak o Abednegó, Bábélay damagá masterén ogdah dátant.

Nebukadnezaray wáb

4 Cha bádsháh Nebukadnezaray némagá,
pa é jaháná neshtagén sajjahén kawm o ráj o har zobánay mardomán.

Shomá géshá géséh émen bátét.

² Hamá nesháni ke borzén arshay Hodáyá maná pésh dáshtagant o hamá mójezah ke pa man kortaganti, wassha bán ke shomárá begwashánesh.

³ Áiay nesháni zabardast ant o

mójezah, porzór.

Áiay bádsháhi tán abad hastent o
hokmránii nasláni nasl barjáh.

⁴ Mane Nebukadnezár wati lágá ásudag, wati kalátá wassh o ábád atán.⁵ Man wábé dist o torséá maná mán patát. Gandaláni sará, mani hayál o shobénán maná torsént.⁶ Gorhá man hokm dát ke Bábélay sajjahén dáná árag bebant tánke mani wábá máná bekantan. ⁷ Wahdé jáduger, sáher, nojumi o estárzánt átkant, man gón áyán wati wáb gwasht bale áyán mani wáb máná kort nakort. ⁸ Bale godhsará Dányál ke áiay nám, mani hodáy námay hesábá Beltesházár ent, mani kerrá átk. Áiá pákén hodáyáni ruh mán ent. Man gón áiá wati wáb gwasht:⁹ "Oo Beltesházár, nojumiáni master! Mana zánán ke tará pákén hodáyáni ruh mán ent o hecc rázay zánag pa taw grán naent. É mani wáb ent ke man distag, nun pa man máná ki.

¹⁰ "Man gandaláni sará, é shobén distant: Man cháragá atán ta gendán, zeminay nyámá drachké o drachk sakk borz ent.¹¹ Drachk rodán o master bayán ent. Eshiay borzi tán ásmáná sar ent o cha zeminay goddhí hadd o simsáran záher ent.¹² Táki dhawldár ant, bar o samará bár ent o pa sajjahénán waráki per ent. Pa zeminay jánwarán sáhegé o ásmánay morg eshiay sháharháni^b sará kodóha bandant o nendant. Har sahdár cha eshiá waráka wárt.

¹³ "Wahdé gandalán waptagatán, shobénáni tahá diston, ta mani démá pákén mardomé, bezán kásedé, cha ásmáná jahlád pédák ent.¹⁴ Áiá gón borzén tawáréá gwasht: 'Drachká goddh o sháharháni borr o tákáni send o baráni sheng o sháng kan. Bell ke jánwar cha eshiay sáhegá dara káyant o tachant o morg cha eshiay sháharhán bála kanant.¹⁵ Bale drachkay bondhá bell ke góń

^a 3:28 Bésah, bezán báwar, deljami, ehtebár, barósah. ^b 4:12 Sháharh, bezán drachkay sháhal, sháh, thál.

Haptád haptag

²⁰ Nun wahdé man habar o dwá kanagá atán o wati jenday o wati Esráili kawmay gonáhán manmagá atán o pa Hodáy pákén kóhá, gón wati Hodáwandén Hodáyá peryát kanagá atán,²¹ wahdé man angat dwá kanagá atán, Jebráil, hamá kas ke man wati pésarigén shobénay tahá distagat, bégáhá, korbánig kanagay wahdá bál kanán téziá mani kerrá átk.²² Áiá maná sój dát o gwashti: "Oo Dányál! Man nun átkagán ke tará zánt o sarpadi bedayán.²³ Tai dwáyáni bongéjá^a passawé átkagat o man átkagán ke tará hál bedayán chéá ke taw Hodáyá sakk dóst ay. Gorhá passawá sharriá delgósh kan o shobéná sarpad bay.

²⁴ "Pa tai kawm o tai pákén shahrá haptád haptag^b gisshénag butag ke sarkassi bekothit, gonáh halás bebant, korbánig kanag o gonáháni tawán porr kanag bebit, abadi adl barjam bebit, shobén o paygambari mohr janag bebant o cha sajjahénán pákterén jágah rógen per moshag bebit.²⁵ Taw bezán o sarpad bay ke cha é hokmáy áyagay wahdá ke Urshalim padá barjáh o addh kanag bebit, tán 'rógen per moshtagé' shahzádagay áyagá, hapt haptag o shast o do haptaga gwazit. Urshalim, padá gón ápráhá o damk o gallián addh kanaga bit, bale paréshániáni zamánagá.²⁶ Randá, shast o do haptagá pad, hamá 'rógen per moshtagé' koshaga bit o áiay kerrá hecc pashta nakapit. Áyókén hokmránay mardom shahr o mazanén parasteshgáhá tabáha kanant, bale áiay jenday tabáhi chó háréá kayt. Jang tán godhsará barjáha mánit o tabáhiáni shawr borrag butag.²⁷ Yakké kayt o gón bázénéá tán haptagéá mohkamén ahdé kant, bale haptagay nyámá korbánig o hayrátan banda kant. Paliti o bazzhnákiay báanzolay sará bérán kanóké kayt, tán wahdé ke hamá ákebat ke pa áiá gisshénag butag, áiay sará kapit."

Kawray kashay shobén

10 Pársay bádsháh Kuroshay dawray sayomi sálá Dányálá, ke Beltesházaray námá ham zánaga but, elhám raset. Elhámay paygám rást at o baláhén jangéay bárawá at. É paygámay maná áiá shobénéay tahá raset.

² Á róchán, mane Dányál tán purahén say haptagá porsig atán.³ Man hecc wasshén waráka náwárt. Gósht o sharáb dap pera nakort, rógen pera namosht tánke é sayén haptag gwastant.

⁴ Awali máhay bist o cháromi róchá wahdé man mazanén kawr, Dejláhay lambá atán,⁵ man wati chamm chest kortant, ta dist mardé lilomé^c godi gwará o lánká cha Upázi^d teláhá addh kortagén kamarbandé bastagi.⁶ Áiay badan purah teláhrangé ákuté at o démi chó geróká shahm dayagá at. Chammi gwashay rókén mashal atant. Dast o pádi moshtagé brenjay dhawlá drapshagá atant o tawári chó mardománi mazanén rombéay tawárá at.

⁷ Tahná mane Dányálá é shobén dist, mani hamráhán nadist, bale baláhén torsé áyáni jáná kapt o pa wati chér dayagá tatkant.⁸ Gorhá man tahná bután o é mazanén shobéná cháragá atán, mani wák o twán halás but, mani démay rang zard tarret o mani tahá hecc wák o twáne pasht nakapt.

⁹ Nun man áiay tawár eshkot o anchó ke man é tawár eshkot, dém pa chér wapt o sakk wáb kaptán.¹⁰ Padá dastéá maná dast jat, chesti kort o maná larzókén dast o kóndháni sará óshtárénti.¹¹ Maná gwashti: "Oo Dányál! Oo sharapmandén mard! Harché ke gwashán, mani habará sarpad bay. Pád á, chéá ke man nun pa taw dém dayag butagán." Wahdé áiá é habar kortant, man larzáná pád átkán.

Dányálá madata rasit

¹² Padá mardá maná gwasht: "Mators, Dányál! Hamá awali róchá ke taw wati del pa sarpad bayag o wati Hodáy dargáhá békébr bayagá dátág, tai dwá gósh dárag butag o man tai habaráni sawabá chár sad o nawad sál ent.¹³ 10:5 Lilom, goday tahré ke Engrézia "linen" gwashaga bit.¹⁴ 10:5 Upáz, jágahay námé.

^a 9:23 Bongéj, bezán bendát, shorú. ^b 9:24 Bázén zántkáréay hayálá yakk haptagé hapt sál ent. É hesábá haptád haptag, chár sad o nawad sál ent. ^c 10:5 Lilom, goday tahré ke Engrézia "linen" gwashaga bit. ^d 10:5 Upáz, jágahay námé.

²⁷ Gorhá mane Dányálá, sakk dam bortagat o tán chizzé róchá nádráh bután. Randá padá pád átkán o bádsháhay kárán dazgatth bután bale maná shobéná hayrán kortagat o cha sarpadiay haddá dar at.

Dányálay dwá

9 Dáryushe Hasháyársháhay dawray awali sálá, hamá ke zátá Mádé at o Bábeliáni molkay bádsháh but,² hamáiay dawray awali sálá mane Dányál, Pákén Ketábáni tahá sáláni hamá hesábá sharriá cháragá atán ke Hodáwandá wati labzay tahá gón Eremiá nabiá gwashtagat. Man dist ke Urshalimay tabáhi tán haptád sálá mánit.³ Gorhá man wati dém Hodáwandén Hodáy némagá tarrént, dwá o peryát kort, róchag dásht, gónién god gwará kort o watá por per rétk.^a ⁴ Man wati Hodáwandén Hodáy kerrá dwá kort, gonáh mannétant o gwasht:

“Oo Hodáwand! Oo mazan o bákamálén Hodá! Taw hamá Hodá ay ke wati ahd o karárá puraha kanay o gón hamáyán mehra kanay ke tará dósta dárant o tai parmánána mannt. ⁵ Má gonáh kortag, radén kár kortag, badkár o yági butagén o cha tai parmán o kánunán wati dém tarréntag. ⁶ Má tai hezmatkárén nabiáni habar ham gósh nadáshtag, hamá ke gón tai námá gón may bádsháhán, may rahbarán o may pet o pirénán o molkay sajjahén mardomán habaresh kortag. ⁷ Adl tai jendayg ent, oo Hodáwand! Bale má maróchán pashal o sarjahl én. Yahudáy mardom, Urshalimay jahmenend o sajjahén Esráil anchosh ent, hamá ke nazzíkk o gwarán ant o hamá ke dur ant. É, taw sajjahén molkán galléntagant ke gón taw béwapáiesh kortag. ⁸ Oo Hodáwand! Má cha sharmendagiá sarjahl én, may bádsháh, shahzádag o may pet o pirén, chéá ke má tai gonahkár én. ⁹ Rahmat o pahelli gón may Hodáwandén Hodáyá ent bell toré má cha áiá yági butagén. ¹⁰ Má na wati Hodáwandén Hodáy parmánbardári kortag o na hamá Sharyatay hesábá gám jatag ke cha wati hezmatkárén nabiáni zobáná márá raséntagi.

¹¹ “Sajjahén Esráilá tai Sharyatay náparmáni kortag, démesh tarréntag o tai parmánbardáriesh nakortag. Paméshká hamá nálat ke Hodáyá wati hezmatkárén Mussáay Sharyatay tahá wati námav sawgend wártag o ahd kortag, nun may sará kaptag chéá ke má Hodáy gonahkár butagén. ¹² É dhawlá, taw wati hamá habar purah o sarjam kortagant ke taw may o may hokmránáni helápá kortagant. Taw may sará mazanén tabáhi áwortag. Chéá ke sajjahén ásmánay chérá hechbar choshén chizzé nabutag ke gón Urshalimá but. ¹³ Mussáay Sharyatay nebeshtagén sajjahén tabáhi may sará átkag, bale má angat wati Hodáwandén Hodáy rahm nalóthet o cha wati gonahán per natarretén o tai rástiy némagá delgóshnakort. ¹⁴ Hamá mosibat ke Hodáwandá wati hayálá dáshtagat, nun may sará dawri dát chéá ke may Hodáwandén Hodá wati sajjahén kárán ádel ent bale angat má áiay gapp gósh nadáshtag.

¹⁵ “Oo may Hodáwandén Hodá! É taw ay ke gón wati porzórén dastá wati kawm cha Mesrá dhanná áwort o pa wat anchén námé dar áwort ke tán maróchi hastent. Nun má gonáh kortag o radkár butagén. ¹⁶ Oo Hodáwand! Pa wati sajjahén adl o ensápá bechár o wati hezhm o gazabá cha wati shahr Urshalimá, cha wati pákén kóhá bethagalén. May gonáh o may pirénáni radkáriáni sawabá, sajjahén hamsáhegén kawm Urshalimá o tai kawmá kalága bandant. ¹⁷ Oo may Hodá! Nun wati hezmatkáray dwá o peryátá gósh dár. Pa watigi bechár o wati wayránén parasteshgáhay némagá wati démá rozhná kan, oo Hodáwand! ¹⁸ Oo mani Hodá! Wati delgóshá gón má kan o gósh dár, chammán shánk day o may o é shahray tabáhi bechár ke é shahr cha tai námá pappá áraga bit. Chéá ke má wati pahrézkáriay sawabá cha taw dazbandia nakanén, tai mazanén rahmatay sawabá dazbandia kanén. ¹⁹ Oo Hodáwand! Gósh dár. Oo Hodáwand! Pahell kan. Oo Hodáwand! Delgósh kan o komakk kan. Oo mani Hodá! Pa watigi bechár, dér makan chéá ke tai shahr o kawm gón tai námá tawár kanaga bant.”

^a 9:3 Gónién god gwará kanag o watá por per réchag sakkén mazanén parésháni o pashómániay nesháni butag.

wandhál o riSSHAGÁN bemánit tánke gón ásen o brenjén patthiéá patáyag bebit o dashtay sabzagáni tahá pasht bekapit. Belli cha ásmánay nódá^a tarra bit o bell ke jangali jánwaráni nyámá dashtay sabzagáni sará zendaga bit. ¹⁶ Bell ke eshiay del o mardomi delé badal kanag bebit o eshiá jánwari delé dayag bebit o bell ke tán hapt zamánagá^b anchosh bemánit.

¹⁷ “É hokmay jár kásedán jatag, pákénán eshiay hokm dátág, tánke zendagén mardom bezánant ke borzén arshay Hodá ensáni bádsháhiáni sará hokmrán ent o é bádsháhián hamá mardomá dant ke Hodáy jenda lóthit. Tantaná^c kamzátén mardomán ham é bádsháhián sará hákema kant.” ¹⁸ É hamá wáb ent ke mane bádsháh Nebukadnezará distag. Oo Beltesházár! Nun taw eshiá máná kan, parchá ke mani bádsháhiay hecch dáná eshiá máná korta nakant, bale taw kortia kanay chéá ke tará pákén hodáyáni ruh mán ent.”

Wábay máná

¹⁹ Gorhá Dányál, ke domi námi Beltesházár at, pa damánéá hayrán but, hayálán paréshán kort. Bádsháhá gwasht: “Beltesházár! Wáb o wábay mánáyá mayl ke tará paréshán bekant.” Beltesházará gwasht: “Mani wájah! Drégatá é wáb tai dozhamenáni bárawá butén o eshiay máná ham pa tai badwáhán. ²⁰ É drachk ke taw distag, hamé ke rost o zórmánd but, borziá ásmáná sar but o cha zeminay sajjahén hadd o simsarán záher at, ²¹ tákí dhawldár atant o bari békésás o pa sajjahénán waráki per at o áiay sáhegá jangali jánwara neshtant o sháharháni sará báli morgáni kodóh atant, ²² é drachk taw ay, oo bádsháh! Chéá ke taw mazan o porwák ay o tai mazani rostag o ásmáná sar ent o tai bádsháhi tán zeminay goddhí hadd o simsarán rasetag. ²³ Tawe bádsháhá kásedé dist, pákéné, cha ásmáná ér áyag o gwashagá at: ‘Drachká goddhí o barbád kan, bale drachkay bondhá bell ke gón wandhál o riSSHAGÁN bemánit tánke gón ásen o brenjén patthiéá patáyag bebit o dashtay sabzagáni tahá pasht bekapit. Belli cha ásmánay nódá tarra bit, o bell ke jangali jánwaráni nyámá zendaga bit. Bell tán hapt zamánagá anchosha mánit.’

²⁴ “Oo bádsháh! É tai wábay máná ent o é borzén arshay Hodáy hokm ent ke pa mani wájahén bádsháhá átkag. ²⁵ Taw cha ensánán gallénaga bay o jangali jánwaráni darnyámá jahmenenda bay. Tai ward o warák pas o gókáni dhawlá káh o bucca bant o taw cha ásmánay nódán tarra bay. Tán hapt zamánagá taw anchosha bay, tán hamá wahdá ke taw pappá byáray ke borzén arshay Hodá ensáni bádsháhiáni sará hokmrán ent o hamá mardomá dantesh ke wata lóthit. ²⁶ Hamé hokmay máná, ke drachkay bondhá gón wandhál o riSSHAGÁN pasht géjag bebit, esh ent ke wahdé taw pappá káray ke asli bádsháh arshá neshtag, tai bádsháhi padá tará dayaga bit. ²⁷ Oo bádsháh! Paméshká mani é sój balkén pa taw sharrén sójé bebit: nékén kár bekan ke cha wati gonahán dur bebay o bazzagáni sará rahm kan ke cha wati radkárián berakkay. Balkén tai ábádi barjáh bemánit.”

Wáb puraha bit

²⁸ É sajjahén chizz gón bádsháh Nebukadnezará butant. ²⁹ Dwázdah máhá rand, á Bábelay sháhi kalátyar sará gám janagá at. ³⁰ Bádsháhá gwasht: “É hamá mazanén Bábel naent ke mani gón wati zabardastén zórá addh kort ke mani pormarháhén shán o shawkatá záher bekant o mani sháhi kalát bebit?” ³¹ Angat habar bádsháhay dapá at ke cha ásmáná tawáré átk, gwashagá at: “Oo bádsháh Nebukadnezár! Tará gwashag bayagá ent ke tai bádsháhi cha taw pach gerag butag. ³² Taw cha ensánán gallénaga bay o jangali jánwaráni darnyámá jahmenenda bay. Tai ward o warák pas o gókáni dhawlá káh o bucca bant. Tán hapt zamánagá taw anchosha bay tán hamá wahdá ke taw pappá byáray o bezánay ke borzén arshay Hodá ensáni bádsháhiáni sará hokmrán ent o hamá mardomá dantesh ke wata lóthit.”

^a 4:15 Nód, bezán shapnamb. ^b 4:16 Báz zántkáray hayál esh ent ke é hapt sál ent. Band 23 o 25á ham hamé habar ent. ^c 4:17 Tantaná, bezán hattá, tán é haddá ke.

³³ Hamá damáná gón Nebukadnezará anchosh but ke gwashag butagat. Á cha ensánán gallénag but, pas o gókáni dhawlá káh o buccia wárt, áiyay jesm cha ásmánay nódá tarra but, tánke áiyay mud wakábaya^a potháni warhá rostant o nákoní morgay panjágáni dhawlá butant.

³⁴ “Bale á rócháni halásia, mane Nebukadnezará wati chamm ásmánay némagá chest kortant o mani hósh átk.

Nun man borzén arshay Hodáay satá o saná kort,
hamá Hodá ke tán abada mánit, man shán o ezzat dát.

Chéá ke áiyay hokmráni abadmánén hokmránié o
áiyay bádsháhi tán naslání nasl barjáha mánit.

³⁵ Jahánay sajjahén mahluk áiyay démá hecc naant.
Á, gón ásmáni lashkará wati delay tabá kára kant o
gón zeminay saray nendókán ham.

Choshén kasé nést ke áiyay dastá bedárít o
begwashit ke ‘taw ché kanagá ay?’

³⁶ “Hamá damáná mani hósh átk o mani bádsháhiay shawkatay háterá mani shán o mazani padá pa mani átk. Mani saláhkár o mir o mehterán maná dar gétk o mani bádsháhi taht padá maná dayag but o mani ezzat cha pésarigén ezzatá báz géshter but.” ³⁷ Nun mane Nebukadnezar ásmánáni bádsháhi satá kanán, sárháyán o sharapa dayán chéá ke áiyay sajjahén kár rást ant o áiyay ráh pa ensáp. Á, gorunákáni gardená jahl korta kant.”

Diwálay nebeshtah

5 Bádsháh Belsházará baláhén dáwaté dát. Wati hazár mir o mehteri mehmán kort o esháni démá sharábi wárt. ² Wahdé Belsházará sharábay tám chasht, hokmi dát ke hamá teláh o nograhén darp árag bebant ke áiyay pirok Nebukadnezará cha Urshalimay mazanén parasteshgáhá, cha Hodáay lógá áwortagatant tánke bádsháh, áiyay mir o mehter, áiyay jan o soriat^b esháni tahá benóshant. ³ Gorhá hamá teláhén darpesh áwortant ke cha Urshalimá, cha Hodáay parasteshgáhá áwár^c janag butagatant. Bádsháh, áiyay mir o mehterán, áiyay janán o soriatán esháni tahá sharáb wárt. ⁴ Áyán sharáb wárt o teláh, nograh, brenj, ásen, dár o sengén hodáyáni satá kort.

⁵ Anágahá mardomi dastéay lankok záher butant o cherágdánay domi némagá, sháhi kalátay diwálay dónay^d sará nebeshtah kanagá laggetant. Bádsháhá nebeshtah kanókén dastay posht dist. ⁶ Nun bádsháhay dém zard tarret o áiá anchén torsé delá kapt ke srénay band o bogí shol butant o kóndhí anchó larzetant ke gón yakdomiá laggetant. ⁷ Bádsháhá kukkár kort o hokm dát ke sáher, nojumi o estárzántán byárét. Gón Bábelay dánáyán gwashti: “Hamá kas ke é nebeshtahá bwánit o máná bekant, á jamurangén^e god o teláhén háré gwará dayaga bit o bádsháhiay sayomi hokmrán kanaga bit^f.”

⁸ Gorhá bádsháhay sajjahén dánáén mardom átkant, bale kassá nebeshtah wánt o pa bádsháhá máná kort nakort. ⁹ Nun bádsháh Belsházár géshter paréshán but. Áiyay dém géshter zard tarret. Áiyay mir o mehter hayrán butant.

¹⁰ Shahbánoká^g wahdé bádsháh o áiyay hásén mardománi tawár eshkot, diwánjhá átk o gón bádsháhá gwashti: “Oo bádsháh! Modám zendag bátay. Watá paréshán makan o wati démá zard matarrén. ¹¹ Tai bádsháhiá mardé hast ke áiá pákén hodáyáni ruh mán ent o tai pirokay dawrá gendag butag ke áiá báteni rozhnái, sarpadi o hekmat o hodáyáni dhawlén dánáié gón. Tai

^a 4:33 Mazanén báli sháhiné, Ordu o Pársiá oqáb. ^b 5:2 Soriat, dáshtaw, hamá janén ke bé nekáhá lógá dáraga bit. ^c 5:3 Áwár, bezán janagay tahá loth o pol kortagén mál o mardom. ^d 5:5 Dón, bezán gacch, palestar. ^e 5:7 Jamu, rangé ke Pársiá banafsh o Orduá banafshi gwashanti. ^f 5:7 Molkay bádsháh Nábonáid at ke Belsházár pet at. Awali hokmrán hamá at. Á ke edá nabut, molkay master Belsházár at, bezán domi hokmrán ke é ham bádsháh gwashaga but. Paméshká gwashit “sayomi hokmrán”, bezán cha mani petá o cha man rand masterén hokmrán. ^g 5:10 Buta kant ke é shahbánok, Nábonáid yá ke Nebukadnezaray jan butag chéá ke kwahnén hálána zánt.

gwarándhé kawray démá óshtátag. Kánthi dráj ant, bale yakké cha domiá drájter ent o drájterén kánth randterá rost. ⁴ Man dist ke é gwarándh rómendi, góricháni^a o zerbári^b némagá kánth janán ent o hecc jánwar áiyay démá óshtáta nakant o kassá é twán nést ke cha áiyay zórá yakkéá rakként bekant. Áiá har chizz wati delay tabá kort o mazanshán but.

⁵ Man ke sharriá pegr kort gorhá diston ta yakk páchené cha rónendi némagá pédák ent ke purah sajjahén zemini geptag bale pádi zeminá nalaggagá ant o chammáni nyámá ajabén kánthé per enti. ⁶ Á hamá gwarándhay kerrá átk ke do kánthi per at, hamá ke man kawray démá óshtagá distagat. Páchen áiyay sará hezhm geptagat o gón sarjamén zórá áiyay sará kapt. ⁷ Man dist ke á, dém pa gwarándhá pédák ent. Sakk hezhm geptag. Páchená gwarándh jat o doén kánthi próshtant. Gwarándhá áiyay démá hecc zór mán néstat. Zeminay sará dawri dát o pádmáli kort. Kass néstat ke gwarándhá cha áiyay zórá berakként. ⁸ Padá páchen sakk zóráwar but bale anchó ke wati zóráwariay borzádián sar but, mazanén kánthi prosht o áiyay jágahá chár dega ajabén kánth rost ke démesh ásmánay chárán gwátáni némagá at.

⁹ Cha é kánthán yakkéay sará kasánén kánthé rost ke jonubi, ródarátki o zébáén molkay^c némagá rodán o sakk mazan bayán but. ¹⁰ É ásmáni lashkaray némagá rost o lashkaray bahré o lahtén estári zeminá dawr dát o pádmál kort. ¹¹ Eshiá watárá lashkaray sáláray dhawlá mazan kort. Har róchigén korbánigi band kanáéntant o mazanén parasteshgáhí kamsharap kort. ¹² Eshiay sarkasshiay sawabá ásmáni lashkar o har róchigén korbánig eshiay dastá dayag butant. Rástii zeminá dawr dát o har chizzi ke kort, kámyáb but.

¹³ Nun man eshkot pákéné habará ent. Dega pákénéá cha áiá jost kort: “É elhám, bezán har róchigén korbánig, tabahkárén sarkassi, Hodáay pákén lógay chérdasti o lashkaray pádmál bayagay elhám o shobén tán kadéná barjáha mánit?” ¹⁴ Áiá passaw dát: “Tán do hazár o say sad sohb o bégahá, randá parasteshgáh padá pák o barjáh kanaga bit.”

Shobénay máná

¹⁵ Wahdé mane Dányál shobéná chárágá atán, man sarpad bayagay johd kort ta diston ke mani démá chizzé óshtátag ke purah ensánéay dhawlá ent. ¹⁶ Man cha Uláyay kawray nyámá ensáni tawáré eshkot, gwáni jat o gwashti: “Oo Jebráil! É mardá shobénay mánáyá sarpad kan.” ¹⁷ Gorhá á mani nazzikká hamódá átk ke man óshtátagatán. Maná torsé jána kapt o dém pa chér kaptán. Áiá maná gwashti: “Sarpad bay, oo ensánay chokk! Shobén halásiaj wahday bárawá ent.” ¹⁸ Hamá wahdá ke á gón man habará at man dém pa chér wapt o sakk wáb kaptán. Áiá maná dast per kort o óshtárént.

¹⁹ Gwashti: “Bechár, man tará sarpada kanán ke gazabay goddi wahdá ché bit. Harché ke taw distag halásiaj gisshéntagén wahday bárawá ent. ²⁰ Dokánthén gwarándh ke taw dist, Mád o Pársay bádsháháni nesháni ent. ²¹ Páchen, Yunánay bádsháhay nesháni ent o hamá baláhén kánth ke áiyay chammáni nyámá at, awali bádsháh ent. ²² Hamá chárén kánthán ke proshtagén kánthay jághá gept, á chár bádsháhiay nesháni ant ke cha eshiay kawmá chesta bant bale eshiay dhawlén zór o wákesh góna nabit. ²³ Áyáni dawray goddi zamádagá, wahdé sarkassi cha géshtera bit, haybatnák o petnahsázén bádsháhé kayt. ²⁴ É, sakk zórmandá bit bale cha wati jenday wáká na. Sakkén baláhén tabáhia kárit o harché ke kant, kámyába bit. É, zóráwar o pákén mardomán tabáhá kant. ²⁵ Pa hóshmandi pandala sáxit o kámyába bit. Wati delá watá mazan sarpada bit. Bázéné sahig ham nabit o émeniá neshtagén jághá tabáhesha kant. É, shahzádagáni shahzádagay helápá ham páda kayt bale jendi bé ensáni dastéá tabáh kanaga bit. ²⁶ Sohb o bégaháni hamé shobén ke tará gwashag but, rást ent. Bale é shobéná rázé bekan chéá ke é hamá áyókén wahday rócháni bárawá ent ke angat sakk dur ant.”

^a 8:4 Górichán, bezán shomál. ^b 8:4 Zerbár, bezán jonub. ^c 8:9 Porshawkatén molk, bezán Esráil.

¹¹ “Hamá bathákán ke kánthesh janagá at, man áyáni sawabá angat é nedáragá cháragá atán. Tán hamá wahdá cháragá atán ke jánwar koshag but o áiay jón zawál kanag o rókén ássá dawr dayag but. ¹² É dega jánwaráni hákemi pach gerag butagatant bale áyáni zendá lahtén róch gésh kanag but.

¹³ Man shapay elhámán cháragá atán ta diston,
gón ásmáni jambarán ensáni chokkéay dhawléné áyagá at o
hamáiay némagá pédaík at ke cha zamánagán hastent o
áiay démá árag o pésh kanag but.
¹⁴ Hákemi, shán o bádsháhi hameshiá dayag but
ke sajjahén kawm o ráj o har zobánay mardom eshiay hezmatá bekanant.
Eshiay hokmráni abadmánen hokmráni ke hechbar halása nabit o
eshiay bádsháhi hechbar zawa lá nabit.

Wábay máná

¹⁵ “Mane Dányálay arwáh paréshán at. Mani del o damágay shobén o elhámán maná torsént.
¹⁶ Man cha hamáyán yakkéay kerrá shotán ke ódá óshtátagatant o joston kort ke é sajjahén chizzáni asli máná ché ent? Gorhá áiá gón man habar kort o maná esháni máná sarpad kort.

¹⁷ “É chárén baláhén jánwar, donyáay chár bádsháhi ant ke chesta bant. ¹⁸ Bale bádsháhi, borzén arshay Hodáy pákén mardomán dayaga bit o abad tán abad hamáyáni melkata bit. ¹⁹ Padá man cháromi jánwaray pakkáén máná zánag lóthet, hamá ke gón wati ásenen dantán o brenjén panjágán cha é dega sajjahénán jetá o sakk báz torsnáktar at, hamá ke wati shekári prósh o ér bort o pasht kaptagéni pádáni chérá lapáshtant. ²⁰ Man áiay saray dahén kántháni máná ham zánag lóthet o é dega kánthay máná ham ke randá rost o áiay démá cha áyán say kánth kapt, bezán hamá ke chamm o dapi per at o bathák janagá at o gendagá cha é degarán master at. ²¹ Man angat cháragá atán o á kánth gón pákén mardomán jangá at o áyán chérdast kanagá at, ²² tánke hamá átk ke cha zamánagán hastent o borzén arshay Hodáy pákénáni hakká dádrasii kort o hamá wahd raset ke é pákénán bádsháhi wati melkat kort.

²³ “Gorhá áiá gwasht: ‘Cháromi jánwar, zeminay sará cháromi bádsháhié bit ke chó é dega sajjahén bádsháhiána nabit. É, sajjahén jaháná lagatmála kant, próshit o éria bárt. ²⁴ Dahén kántháni máná esh ent ke cha é bádsháhiá dah bádsháh chesta bit o dega yakké cha eshán o rand chesta bit o é, pésarigénáni dhawléné nabit o say bádsháh prósha dant. ²⁵ É, borzén arshay Hodáy helápá habara kant o áiay pákén mardomán ázára dant. Eshiay erádaha bit ke kánun o wahdán badal bekant o Hodáy pákén mardom pa wahdá eshiay dastá dayaga bant, bezán tán wahdá, wahdán o ném wahdá.”^a

²⁶ “Bale diwán pa dadrasíá nendit. Áiay hákemi pach geraga bit o tán abad sarjamiá tabáh o barbád kanaga bit. ²⁷ Padá bádsháhi, hákemi o ásmánay chéray sajjahén bádsháhiáni shawkat o mazani, borzén arshay Hodáy pákén mardomán dayaga bit. Hodáy bádsháhi abadi bádsháhié bit o sajjahén bádsháhi o moltk, Hodáy hezmat o parmánbardáriá kanant.”

²⁸ “Habar hamedá halás but. Mane Dányál cha wati hayálán sakk paréshán bután o mani dém zard tarret. Bale man é gapp gón wat dásht.”

Gwarándh o páchen

8 Bádsháh Belsházaray dawray sayomi sálá mane Dányálá dega elhámé but, cha áiá o rand ke maná pésará butagat. ² Man wati elhámá dist ke Shushay kalátá án ke Ilámay damagá ent. Elhámá diston ke Uláyyay kawray kashá án. ³ Padá man sar chest kort o cháret ta dokánthén

^a 7:25 Pákén Ketábay bázén zántkáréay gománá eshiay máná say o ném sál ent.

bádsháhén pirok, Nebukadnezárá é mard jáduger, sáher, nojumi o estárzántáni master kortagat, ¹² chéá ke é Dányál, ke bádsháh áiay nám Beltesházar kortag, eshiá ajabén ruhé, zánt o sarpadié hastat. Á wáb o chácháni^a máná kanag o gránén jérhaháni gisshénagá sakk balad at. Dányálá lótháén, hamá tará eshiay mánáyá gwashta kant.”

¹³ Gorhá Dányál, bádsháhay démá árag but. Bádsháhá gón Dányálá gwasht: “Taw hamá Dányál ay ke cha Yahudáy darándhéhán ent, hamá ke mani bádsháhén piroká cha Yahudáyá áwortagant?

¹⁴ Man annun sahig butagán ke tará hodáyáni ruhé mán ent o tará báteni rozhnái, sarpadi o ajabén hekmaté hast. ¹⁵ Mani démá annun dáná o sáher árag butagant ke é nebeshtahá bwánant o pa man máná bekanant, bale áyán máná kort nakort. ¹⁶ Bale man tai bárawá eshkotag ke taw máná korta kanay o jérhaháni gissh o giwárá balad ay. Agan taw é nebeshtahá wánt o máná kort bekanay, tará jamurangén god o teláhén háré gwará dayaga bit o taw bádsháhiay sayomi hokmrán kanaga bay.”

Nebeshtahay máná

¹⁷ Gorhá Dányálá gón bádsháhá gwasht: “Wati théki o tohpahán wati kerrá kan o dádán pa dega kaséá ér kan. Man é nebeshtahá chónahá wánán o pa tawe bádsháhá máná kanán. ¹⁸ Oo bádsháh! Borzén arshay Hodáyá, Nebukadnezar bezán tai pirok, bádsháhi, mazani, shán o sharap dáttagat.

¹⁹ Hamá mazaniay sawabá ke Hodáyá dáttagat, sajjahén kawm o ráj o har zobánay mardom cha torsá tai pirokay démá larzetant. Kasé ke áiá koshaga lóthet, koshti o kasé ke áiá koshaga nalóthet, nakoshti. Kasé ke áiá mazani dayaga lóthet, mazaniia dát o kasé ke áiá kamsharap kanaga lóthet, kamsharapia kort. ²⁰ Bale wahdé áiay del porkebr o arwáh cha gorunákiá porr but, cha bádsháhi tahtá ér géjag o shán o shawkati pach gerag but. ²¹ Á, cha ensánáni daryámá gallénag but o áiay del jánwari delé jóri kanag but. Jangali haráni nyámá jahmenend but, pas o gókáni dhawlá káh o bucc wárénaga but o cha ásmána nódán áiay badan tarr kanaga but, tán hamá wahdá ke zánti ke borzén arshay Hodáy ensáni bádsháhiáni sará hokmrán ent o hamá mardomá esháni sará hokmrána kant ke wata lóthit.

²² “Bale oo Belsházar, Nebukadnezaray nomásag! É sajjahén chizzet zántant o angat ham gorunáket cha wati delá dar nakort. ²³ Taw watárá ásmáni Hodáwanday démá borz zánt o léket^b o hokmet kort ke Hodáy lógay darp tai démá árag bebant. Taw o tai mir o mehterán, tai janán o soriatán é darpáni tahá sharáb wárt o taw nograh, teláh, brenj, ásen, dár o sengén hodá satá kortant ke na gendant, na eshkonant o na sarpada bant. Bale taw hamá Hodá shán o shawkat nadát ke tai sáh o tai sajjahén ráh áiay dastá ant. ²⁴ Paméshká é dast, cha hamá Hodáy némagá dém dayag butag o é labz nebeshtah kanag butagant.

²⁵ “Nebeshtah esh ent: ‘Mené, mené, tekel, pársin.’ ²⁶ É labzáni máná esh ant: ‘Mené’ bezán Hodáyá tai bádsháhiay róch hesáb kortag o halás kortagant. ²⁷ ‘Tekel’ bezán taw sháhémá^c wazn kanag butagay o é habar zánag butag ke taw sobakk ay. ²⁸ ‘Peres’^d bezán tai bádsháhi bahr kanag o Mád o Pársán dayag butag.” ²⁹ Gorhá Belsházará hokm dát o Dányálesh jamurangén god o teláhén háré gwará dát o Dányál, bádsháhiay sayomi hokmrán jórí kanag but. ³⁰ Hamá shapay shap Bábeliáni bádsháh, Belsházar koshag but. ³¹ Gorhá bádsháhi Mádén Dáryushá^e raset. É wahdá Dáryushay omr kesás shast o do sál at.

Dányál shéráni gárá

6 Dáryushá delá shawr kort ke wati bádsháhiá yakk sad o bist wáli bedárit ke áiay bádsháhiay sajjahén káráni zemmawár bebant o ² é wáliáni sará say sarwazir dárág bebit. Dányál cha é sayénán yakké at. Wáliáná, hamé sarwaziráni démá hesáb dayagi at tánke bádsháhá tawáné

^a 5:12 Chách, bezán chistán, ráz o ramzi habar. ^b 5:23 Lékag, bezán hesáb árag. ^c 5:27 Sháhém, bezán tór, tarázu. ^d 5:28 Peres o pársin yakkén labz ent ke band bist o panchá ham átkag. “Peres” yakk ent o “pársin” jam ent. ^e 5:31 Dáryush: lahtén zántkáréay hayál hamesh ent ke é Dáryush, Kurosh ent.

marasit.³ Dányál, wati ajabén ruhay sawabá, zutt cha é sarwazir o wálián démá dar átk. Cha Dányálay láhekiá, bádsháhá hayál kort ke sajjahén molkay zemmwárián hamáiá bedant.⁴ Gorhá é dega sarwazir o wáli Dányálay hokumati káráni tahá radi shóház kanagá laggetant, bale áyán pa Dányálay ér janag o mayárig kanagá hecc nimmóné dast nakapt. Á, wapádáré at, cha wati kárán nádelgósh naat o na ke selkárié korti.⁵ Nun é mardomán gwasht: “Márá é mard, Dányálay helápá dega hecc nimmóné dasta nakapit, abéd cha anchén gappéá ke áiay Hodáay Sharyatay bárawá bebit.”

⁶ Gorhá é sarwazir o wáli yakjáh but o bádsháhay kerrá átkant o gwashtesh: “Bádsháh Dáryush! Modám zendag bátay. ⁷ Oo bádsháh! Tai sajjahén sarwazir, hákem, wáli, saláhkár o sardárán watmánwatá shawr kortag ke taw yakk sháhi hokmé bedayay ke harkas tán áyókén si róchá tará abéd, dega hodá yá dega mardoméay kerrá dwá belóthit, shéráni gárá dawr dayaga bit. ⁸ Oo bádsháh! Nun hokm beday o é parmáná dashatt kan tánke badal but makant. É dhawlá é hokm, Mág o Pársay kánuné jórha bit ke badal kanaga nabit.”⁹ Gorhá bádsháh Dáryushá parmán dashatt kort.

¹⁰ Nun wahdé Dányál sahig but ke choshén parmáné dashatt kanag butag, wati lógay hamá borzi kóthiá shot ke darigi dém pa Urshalimá pacha butant o anchó ke modám kortagati, róché say randá kóndhána kapt, dwáia kort o wati Hodáay shogria gept.¹¹ Gorhá é mard mocch but o átkant o distesh ke Dányál wati Hodáay kerrá dwá o peryát kanagá ent.¹² Bádsháhay kerrá shotant o sháhi parmánay bárawá habaresh kort o gwashtesh: “Oo bádsháh! Taw parmáné dashatt nakortag ke harkas tán si róchá tará abéd dega hodáéay yá ke dega mardoméay kerrá dwá belóthit, shéráni gárá dawr dayaga bit?” Bádsháhay passaw dát: “Haw, é rást ent. Mág o Pársay kánunay hesábá é badal buta nakant.”¹³ Nun áyán gón bádsháhá gwasht: “Dányál ke cha Yahudáy darándhéhán yakké, tai jend o tai dashatt kortagén parmáni hecc delgóshnakortag, oo bádsháh! Róché say randá angat wati Hodáay kerrá dwá lóthágá ent.”¹⁴ Bádsháhá ke é habar eshkot, sakk paréshán but. Erádahi kort ke Dányálá rakkénán o tán bégáhá hamé johdá at ke chón áiá berakként.

¹⁵ Gorhá é mard padá yakjáh but o bádsháhay kerrá átkant o gwashtesh: “Bechár, oo bádsháh! Mág o Pársay kánun ent ke bádsháhay dashatt kortagén hecc hokm o parmán badal buta nakant.”

¹⁶ Gorhá bádsháhá hokm dát o Dányál árag o shéráni gárá dawr dayag but. Bádsháhá gón Dányálá gwasht: “Tai hamá Hodá wat tará berakként ke taw modám áiay hezmatá kanay.”¹⁷ Padá sengé árag o gárav dapá ér kanag but. Bádsháhá gón wati jenday o wati mir o mehteráni mondrikkán gárav dap mohr jat tánke Dányálay jáwar badal but makant.¹⁸ Padá bádsháh wati kalátá shot. Sajjahén shapá waráki nawárt o wáb nakapt. Áiay bárgáhá hecc paymén sháktámi kanag nabut.

¹⁹ Sohbá máhallah, anchó ke róchá thekk kort, bádsháh pád átk o zutt zuttá shéráni gárav némagá shot.²⁰ Wahdé gárav nazzikká raset, gón dardnákén tawárá kukkári kort o gón Dányálá gwashti: “Oo Dányál! Oo zendagén Hodáay hezmatkár! Bárén tará tai hamá Hodáyá cha shéráni rakként kort ke taw modám áiay hezmatá kanay?”²¹ Gorhá Dányálá passaw dát: “Oo bádsháh! Modám zendag bátay.²² Mani Hodáyá wati préshtagé ráh dát ke shéráni dapi bast. Shéráni maná hecc tawán nadát. Oo bádsháh! Haminchok ke man Hodáay démá bégonáh án haminchok tai démá ham man hecc radén káré nakortag.”

²³ Nun bádsháh sakk gal but o hokmi dát ke Dányál cha gárá dar kanag bebit. Gorhá Dányál cha gárá dar kanag but. Thappé ham peri néstat chéá ke áiá wati Hodáay sará tawkal kortagat.²⁴ Nun bádsháhá hokm dát o hamá mardom árag butant ke Dányálay helápá pandalesh^a sázetagat. Á gón jan o chokkán shéráni gárá dawr dayag butant. Angat gárav johlánkiá sar nabutagatant ke shéráni geptant o áyáni sajjahén haddh próshtant.

²⁵ Padá bádsháh Dáryushá pa sajjahén kawm, ráj o har zobánay mardomán ke téwagénb^b sarzaminá jahmenend atant, nebeshtah kort: “Shomá géshá géshter émen bátét.”²⁶ Man jára janán ke mani bádsháhiay har kondhay mardom, cha Dányálay Hodáay torsá belarzant o hamáiá sharap bedayant.

^a 6:24 Pandal, bezán szálesh, repk o honar. ^b 6:25 Téwagén, bezán sajjahén, drostigén, tawámén.

Chéá ke hamá zendagén Hodá ent o modáma mánit.

Áiay bádsháhi hechbar tabáh o barbáda nabit o áiay hokmráni hechbar halása nabit.

²⁷ Hamá nejáta dant o rakként,
ászmán o zeminay sará
ajabbatén nesháni o mójezah pésha dárit.
Hamáiá Dányál cha shéráni dapá rakkéntag.”

²⁸ Nun é mard Dányálá, Dáryush o Pársen Kuroshay^a bádsháhi dawrá démrawi kort.

Dányál chár jánwar wábá gendit

7 Bábelay bádsháh Belsházaray dawray awali sálá Dányálá wábé dist, wahdé wati nepáday sará tachk at, shobén o elhám áiay saray tahá chakarragá atant. Áiá wati wábay hásén habar nebeshtah kortant.² Dányálá gwasht: “Man shapá elhám o shobén gendagá atán o man dist ke ásmánay chárén gwátán mazanén daryá mast kort.”³ Padá chár baláhén jánwar cha daryáyá dar átk. Har yakkéay dróshom cha é degarán jetá at.

⁴ “Awali, shéray dhawléné at o wakábi báanzoli per at. Man chamm sakk kortag o tán hamá wahdá chárágá atán ke eshiay báanzol gwajag butant o jendi cha zeminá chest kanag o mardoméay warhá do páday sará óshtárenag but o eshiá ensáni delé dayag but.

⁵ “Padá dega jánwaré záher but, é domi, mammay dhawléné at o kash waptagat o say pahlugi^b dantánáni nyámá dapá at. Eshiárá gwashag but: ‘Pád á, watá cha góshá sérláp kan.’

⁶ “Eshiá rand, man angat chárágá atán o diston dega yakké, polangay dhawléné at o eshiay poshtá chár morgi báanzol per at. É jánwará chár sarag per at o hákemi ehtiáre eshiá dayag but.

⁷ “Eshiá pad, man angat shapay elhám o shobénán gendagá atán o cháromi jánwaron dist. É torsnák, haybatnák o sakk zórmand at. Eshiá drájén ásenén dantán per at. Wati shekári prósho o ér bort o saráróki párání chérá lapáshtant. Cha á pésarigén sajjahén jánwarán jetá at o dah kánthi per at.⁸ Man eshiay kántháni bárawá jérhágá atán, diston esháni nyámá dega kasánén kánthé dar átk o cha jánwaray awali kánthán say kánth eshiay démá cha boná gwajag but. Man dist ke é kánthá mardomi chammay paymén chamm per at o dapé per ati ke bathák janagá at.

Hamá ke cha zamánagán hastent

⁹ Man angat chárágá atán ke bádsháhi taht árag o ér kanag butant o hamá ke cha zamánagán hastent, átk o nesht. Áiay póshák chó barpá o saray mud, pazhmay dhawlá espét atant.

Áiay taht, ásay bránzé at o tahtay chahr warókén pádag,^c rókén ás atant.

¹⁰ Ásay kawré tachagá at o cha áiay bárgáhá dar áyagá at. Hazáráni hazár áiay hezmatá at o lakkáni lakk áiay démá óshtátagat. Diwán pa dádrasiá nesht o ketáb pach butant.

^a 6:28 Pársen Kurosh, bezán Kurosh Pársé at. ^b 7:5 Pahlug, bezán delbanday báragén haddh, ke Pársiá dandeh o Orduá pasli ent. ^c 7:9 Chahr warókén pádag, bezán parrag, Engréziá “wheel”.